



Broj: 01,02-02-1-929/16
Sarajevo, 28.3.2016. godine

Parlamentarna skupština BiH
Kolegij Predstavničkog doma
Ustavnopravna komisija Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30-03-2016			
Organizaciona jedinica	Klasifikaciona oznaka	Redni broj	Broj priloga

13

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15) Zakonodavno-pravni sektor daje

MIŠLJENJE

o usklađenosti Prijedloga zakona o izmjenama i dopunama Zakona o upravnom postupku s članom 105. Poslovnika Predstavničkog doma Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajuće Predstavničkog doma, broj: 01,02-02-1-929/16 od 22.3.2016. (zaprimljen, 28.3.2016.), Zakonodavno-pravnom sektoru dostavljen je Prijedlog zakona o izmjenama i dopunama Zakona o upravnom postupku (u daljnjem tekstu: Prijedlog zakona) radi davanja mišljenja o usklađenosti Prijedloga zakona s članom 105. Poslovnika Predstavničkog doma, te Jedinstvenim pravilima za izradu pravnih propisa u institucijama BiH.

Prijedlog zakona, broj: 05-02-1-3645/15 od 21.3.2016., podnijelo je Vijeće ministara BiH, uz obrazloženje (akt, broj: 05-02-1-3645-1715 od 23.3.2016.) da su izvršene određene ispravke tehničkih grešaka, u odnosu na ranije dostavljeni Prijedlog zakona, broj: 01,02-02-1-599/16 od 18.2.2016.)

I. Usklađenost s odredbama Poslovnika Predstavničkog doma Parlamentarne skupštine BiH

Tekst Prijedloga zakona je, u skladu s članom 105. stav (1) Poslovnika Predstavničkog doma podnesen u pisanoj i elektronskoj formi, na jezicima i pismima u službenoj upotrebi u BiH.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- ustavni osnov za usvajanje zakona
- razloge za donošenje zakona
- principe na kojima je zasnovan prijedlog zakona
- procjenu finansijskih sredstava neophodnih za provođenje zakona

- e) mišljenje Direkcije za evropske integracije BiH o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje koje sadrži:

1. ustavni osnov
2. razloge i cilj donošenja zakona
3. načela zakona
4. obrazloženje predloženih pravnih rješenja
5. usklađenost zakona s evropskim zakonodavstvom
6. provedbene mehanizme i način osiguranja poštivanja zakona
7. finansijska sredstava za provođenje zakona
8. opis konsultacija vođenih u procesu izrade zakona
9. pribavljena mišljenja: Ureda za zakonodavstva, broj: 01-02-1-840/15 od 9.12.2015., Ministarstva finansija i trezora BiH, broj: 05-02-2-9658-2/15 od 22.12.2015., i Direkcije za evropske integracije BiH, broj: 03/B-06-2-AL-1661-2/15 od 3.12.2015.

Uz Prijedlog zakona dostavljen je pregled odredbi koje se mijenjaju, te neslužbeni prečišćeni tekst zakona s ugrađenim Prijedlogom izmjena i dopuna zakona o upravnom postupku.

U skladu s navedenim, Prijedlog zakona **usklađen je** s članom 105. Poslovnika Predstavničkog doma.

II. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Zakonodavno-pravni sektor smatra da je Prijedlog zakona o izmjenama i dopunama Zakona o upravnom postupku **usklađen** s Jedinstvenim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora

Mirjana Kutarijac

Dostaviti:

- naslovu
- sekretarki Zajedničke službe Sekretarijata